

Itan Chóón sukkun (Makei): \_\_\_\_\_ Mwichen Fite: \_\_\_\_\_ Nampan néún Chóón Sukkun ID: \_\_\_\_\_

## ETIPEW REN NÉÚNÉÚN ME TÚMWÚNÚN EKKEI PISEKIN VPS REN TECHNOLOGY E KAWOR NGENI EMEN ME EMON CHOON SUKKUN (1:1)



**POPUN ME WEWEN:** Sukkunen Vancouver Public Schools (VPS) ra awora ngeni emén me emén chóón sukkun ew pisekin *technology* (awewe ren: *iPad, laptop, Chrome book*) ar repwe néúnéú nón sukkun me nón imw pwe epwe ánisir ar repwe tufichin sine me ámecheresi ngenir ar repwe tongeni káeó ekkis meinisin ra nómw ian. Ei taropwen etipew mei afatatiw wisan chóón sukkun me ar famini atun a wor rer ekkei pisekin sukkun rer (1:1). Me núkkún masowen ei etipew, chóón sukkun repwe pwan épénúetá énnúkkún ekkei *technology* iká aian en *network* (*internet*) e kawor seni ach kei sukkun ussun mei afatatiw nón ewe *Student Code of Conduct* (iká ekkewe énnúkkún sukkun).

VPS mei núkú ngeni chóón sukkun ar repwe néúnéúeóch ekkei pisekin sukkun. Masowen ei etipew epwe ánisuk ómw kopwe weweiti ifa ussun ar repwe néúnéú ekkei *technology* me aia an en sukkun *network* (*internet*). Kich mei núkú ngeni chóón sukkun ar repwe túmwúnú me eneniaéóchú ekkei pisekin sukkun (1:1). *Masowen nón ei etipew mei tichikietiw wiisan chóón sukkun me énnúkkún ekkei pisekin sukkun.*

### Wiisen Chóón Sukkun:

1. **Chachini en pisekin sukkun 1:1 ren** (*chrome book, iPad iká laptop*) me nón imwan iteiten nepwin iwe a uweiato ngeni sukkun iteiten ráán nge epwe manaw patirin iká chachieóch.
2. **Néúnéúeóch kapas ngeni ekkóch!** Meinisin sókkun apórous epwe fiis wón ekkei pisekin sukkun epwe ititéóch. Ese mwuumwuutá néúnéún pórous mei ngaw me pórous mei péchékun.
3. **Isóni files (an chóón sukkun mettóch mei áúchea) iteiten fansoun meinisin.** VPS mei sópwasópwonó ne féri me apachata ekkóch minafén ekkesiwin wón ekkei pisekin sukkun (1:1) pwe epwe éóchún néúnéú. En chóón sukkun epwe isóni meinisin an *files* nón en nenien isóis wón *internet* pwún esapw péútúnó. Iká pwe ese sinei ifa ussun an epwe kapi me isóni an *file*, iwe epwe kapas eis. VPS esapw épwúnganó iká féranó pwe masowen wón ekkei pisek esapw tongeni téténúnó iká péútúnó. VPS esapw pwan ani tipisin an a péútúnó masowen wón ekkei pisekin sukkun. Kose mochen tingorei emén epwe ánisuk iká pwe kese sine ifa ussun ómw kopwe isóni ómw *file*.
4. **Néúnéú ekkei *technology* ren chék angangen sukkun.** Ese mwuumwuutá an epwe néúnéú ne amémé me kamé iká néúnéú ren angangen mwuu iká kafémén.
5. **Épénúetá ekkán énnúk ren an epwe angei iká aia férian emén mettóch.** En chóón sukkun mei tongeni uwouwtá/isóis kéén, kachito (*video*), me ekkóch mettóch mei wenengeni an asaimen. Ekkei pisekin sukkun esapw nenien an epwe isóis néún kéén iká néún kachito. Kosapw aia ei pisekin sukkun ne isois pórousomw iká omw mettóch ese wenengeni minen sukkun.
6. **Amwonatá epwe wanong en pisekin sukkun (1:1) ren (iPad, laptop, me Chrome book) iká pwún ekkán meinap iká sense re érá repwe katon.**
7. Isóni iká anómwu ena (*iPad, laptop iká Chrome book*) nón nenian ewe e kawor seni en sukkun.
8. **Mwútir ne eniwini ei pisekin sukkun iká pwe ka tou seni ekkei sukkun nón VPS.**

### Met mei énnúk:

1. Kosapw makei, angawa iká uwouwtá *sticker* me tep wón néún VPS en (*iPad, laptop iká chrome book*) iká wón nenian ekkei pisekin sukkun.
2. Kosapw ngeni emén ei pisekin sukkun (1:1), chachin me senin. Kosapw nikitano ei pisekin sukkun (1:1) nefón tarakú iká nikitano ekkis nge ese wor ión e nómw ren. Kosapw mwéngé/ka atun ómw néúnéú ei pisekin sukkun (1:1).
3. Kosapw sótuni ne tonong me siwini en prokram e nómw wón ekkei pisekin sukkun mei nómw wón pwe epwe túmwúnú (*security*). Kosapw osukosuka en prokram e epeti ómw kosapw nó ngeni ekkán neni ese mwuumwuutá, iká en prokram e efini met ekkán mei mwuumwuutá ómw kopwe tongeni katon (*Internet filtering*). Kosapw osukosuka en prokram e ánisin ne fini meni *internet* kopwe tongeni aia (*Network/wifi Setting*), me osukosuka pwan ekkóch ekkán prokram a fen férunó iká nómwónó wón. Kosapw uwouta prokramin urumwot (*games*) iká pwan ekkóch prokram ese mwuumwuutá.
4. Kosapw sósót ne tétá wón ekkóch neni ese wor ómw mwuumwuutá ómw kopwe nó ngeni. Kosapw ngeni emén ómw *password* me aia an emén *account* iká *password*.
5. Kosapw sótuni ne kúttá, katon, pwári ngeni ekkóch, iká isóni ekkán mettóch ese mwuumwuutá nón sukkun. Ikkei ekkóch awewe ren met ekkán ese mwuumwuutá: ren sasing mei ngaw, sasingin efeiengaw, ngingin, kéén, kapas, me kachito mei ngaw me pwan ekkóch mettóch mei ngaw. VPS mei pwúkún awora ekkán mettóch mei mwuumwuutá ngeni chóón sukkun.
6. Kosapw fichi sasingin iká kachiton/videon chóón sukkun me chóón angang nge kose akkomw angei ar mwuumwuutá.

**Hacking** : Ese mwuumwuutá meinisin sókkun mwékútúkútún "*hacking*". *Hacking* a wewengeni an emén epwe angenongi masowen wón néún emén *computer, laptop, iPad iká chrome book* nge ese wor an mwuumwuutá. Ikkei ekkóch awewe: Uwouwtá prokram mei ngaw (*virus*), sótuni ne tonong nón ew *network* nge ese wor mwuumwuutá, me sótuni ne osukosuka fetáin *internet*. Meinisin ekkei féffér mei tipis. Emén e féri ei sókkun angang mei tongeni angei niwini tipis me nón sukkun, me nó ngeni imwen képwúng ren an tipisin atai énnúk.

**Túmwúnú emén chóón sukkun atun a néúnéú ekkei pisekin sukkun:**

1. **Chóón sukkun resapw pwári, pachapachetá póróuser me ar file me email iká póróus ngeni emén en rese sisinei**
2. Ese mwuumwuutá *Cyberbulling*. *Wewen nge ese mwuumwuutá ar repwe aia internet ar repwe mina, eniwa iká osukosuka ekkóch. Mei watte péchékúnén ei énnúk. Ir mei tongeni nó ngeni imwen képwúng ren ar tipisín atai énnúk. Iká pwe en chóón sukkun e sinei pwe mei fiis ei sókkun, iwe epwe mwútir ne esine ngeni emén chóón angangen en sukkun!*
3. Meinsin ekkei pisekin sukkun (1:1) mei fér an epwe chék kefin met chóón sukkun repwe tongeni katon iká pwe re tétá wón *internet* me nón sukkun, nón imw iká atun ar nómw wón ew *network*.
4. Ekkei pisekin sukkun (1:1) mei fér an epwe epeti seni chóón sukkun ar resapw tétá wón ekkán neni ese mwuumwuutá ar repwe tétá wón iká ese wenengeni angangen sukkun. VPS esapw épwúnganó pwún chóón sukkun resapw mwáninó iká fen finata ar repwe nó ngeni ekkán neni ese mwuumwuutá ngenir. Iká en chóón sukkun e tétá wón iká katon éóch mettóch ese mwuumwuutá, iwe epwe mwútir ne esine ngeni chóón angangen en sukkun.
5. Meinsin mettóch e fiis me nómw wón ekkei pisekin sukkun ese mwónómwónónó. VPS mei isóni me kakaton masowan wón.

**Saam/lin/Chóón Túmwúnú en chóón sukkun repwe katonéóchú met néúr re féri atun ar néúnéú ekkei pisekin sukkun:** Atun en chóón sukkun ese sukkun, Saam, lin/iká chóón túmwúnú en chóón sukkun epwe katonéóchú met néún en e féri atun an néúnéú ekkei pisekin sukkun. Chóón sukkun repwe néúnéóch ekkei pisekin sukkun me aiaéóch ekkán akkount (*account*), applikeison (*application*) me prokram re nómw wón.

Kich sipwe póróus ngeni Saam me lin iká pwe si kúna an émen néúnéú ekkei pisekin sukkun me núkkún sukkun nge e féri éóch mettóch ese mwuumwuutá wón.

**ESINESIN MEI AUCHEA REN TÚMWÚNÚN MEINSIN:** Meinappen ekkei sukkun repwe mwútir ne report ngeni 911 iká pwe ra sinei pwe mei wór póróusen effeingaw iká osuksouk e fiis wón ekkei pisekin sukkun me núkkún sukkun. Meinappen en sukkun ina epwe esine ngeni Saam/lin/Chóón Túmwúnú en chóón sukkun met a fiis ew ráán (ráánin angang) me mwúrin an a sinei e póróus.

**Niwinin:** VPS mei achocho an epwe ékúkúnatiw niwinin ekkei pisekin sukkun (1:1) ngeni ekkán famini mei wór néúr chóón sukkun re néúnéú. Atun an ta ekkei pisekin sukkun nge esapw turun tipen en chóón sukkun, en (*iPad, laptop iká chrome book*) mei tongeni fér sefán fan ruu nón ew ier, nge en famini esapw méni. Iká pwe ew me nein ekkei pisek e péútúnó iká e wor chóón sónáni, en sukkun ina epwe akkomw katon iká pwe tipisín en chóón sukkun. Iká pwe esapw tipisín en chóón sukkun, iwe niwinin an epwe ekesiwin epwe ne \$99. Iká pwe ei pisekin sukkun e ta, péútúnó iká e wor e sonani pokiten túmwúnúngaw, en famini mei tongeni an epwe méni unusan niwinin an epwe fér sefán iká an epwe ekkesiwin. Famini repwe awora eché taropwe seni ponis (*police report*) ren en pisekin sukkun emén e sónani me núkkún sukkun.

Nupwen ka sainei ei taropwe, ka tipew ngeni ómw kopwe épénúetá meinsin masowen nón mei awewetiw asan. Ka pwan etiwa wisomw ómw kopwe túmwúnéóchú me néúnéúéóch ekkei pisekin sukkun ren *technology* e kawor seni VPS. Ka pwan weweiti pwe iká kose épénúetá meinsin masowen nón ei etipew, iwe epwe epet sonuk ómw kopwe néúnéú ekkei (1) *technology*, aia en internet, me ekkóch mettóch iká áninis mei nómw won kámputer. Chóón sukkun repwe pwan angei niwinin tipis ren ar atai énnúkún ekkei pisek ussun mei afatetiwiw nón an VPS kewe énnúkkún sukkun, iká *VPS Student Code of Conduct*.

**Ngang ewe Saam, lin/Chóón Túmwúnú** \_\_\_\_\_. Nupwen úwa sainei itei, úwa pwaratá pwe úwa ánea me weweiti ei taropwen Etipew ren Néúnéún me Túmwúnún ekkei pisekin sukkun. Ngang úwa mwuut ngeni nei en semirit an epwe néúnéú ekkei *technology* seni sukkun. Úwa pwan mwuut ngeni an epwe aia ekkán prokram, *application* me ekkóch áninis ren pekin káéo mei mwuumwuutá me nón sukkun. . Ngang mei weweiti pwe néúnéún ekkei pisekin sukkun, me masowan wón ren akkount, prokram me aplikeison e kawor ren ái úpwe néúnéú ne féri angangen sukkun. Ngang mei pwan weweiti pwe met e fiis wón ekkei pisekin sukkun ese mwónómwónónó. Mei wor an sukkun sukkun pwúng an epwe finatá inet fansoun epwe katon, chosa, kapi, me isóni met e nómw wón ina mwo iká ese pwan esinesin ngeni Saam/lin/Choon tumwun me choon sukkun.

Itan en Saam iká lin: \_\_\_\_\_ Sain: \_\_\_\_\_ Pwinin Maram: \_\_\_\_\_

**Ngang ewe chóón sukkun,** nupwen úwa sainei itei, úwa pwaratá pwe úwa weweiti ei Taropwen Etipew ren Néúnéún me Túmwúnún ekkei pisekin sukkun. Ngang úpwe épénúetá énnúkún ekkei piseskin sukkun (*Technology*) atun ái néúnéú. . Ngang mei weweiti pwe ekkei pisekin sukkun me akkount meinsin ren prokram me aplikeison e kawor fan itten ái úpwe feri angangen sukkun. Ngang mei pwan weweiti pwe ese mwónómwónónó masowan wón. Mei wor an sukkun sukkun pwúng an epwe finatá inet fansoun epwe katon, chosa, kapi, me isóni met e nómw wón ina mwo iká ese pwan esinesin ngeni Saam/lin/Choon tumwun me choon sukkun.

Itan chóón sukkun: \_\_\_\_\_ Sain: \_\_\_\_\_ Pwinin Maram: \_\_\_\_\_